

SAVEZ KLIZAČKIH SPORTOVA BOSNE I HERCEGOVINE

## TAKMIČARSKI PRAVILNIK

Sarajevo, 16.06.2011.

## UVODNE ODREDBE

### Član 1.

Takmičarski pravilnik Saveza klizačkih sportova Bosne i Hercegovine (u daljem tekstu SKSBIH) za umjetničko klizanje (figure skating) i brzo klizanje (short track speed skating) je poseban pravilnik kojim se određuju slučajevi koji nisu propisani pravilnikom ISU-a. Za sve slučajeve koji nisu navedeni u ovom pravilniku važe odredbe pravilnika ISU.

### Član 2.

Odredbe ovog pravilnika su dio Propozicija za državna prvenstva u umjetničkom i brzom klizanju i sva ostala takmičenja u Bosni i Hercegovini, izuzev međunarodnih takmičenja pod pokroviteljstvom ISU, za koje organizator objavljuje svoje propozicije.

## ZVANIČNE KATEGORIJE I REZULTATI

### Član 3.

Državno prvenstvo u umjetničkom klizanju održava se jednom godišnje u sljedećim kategorijama za žene i muškarce:

- Seniori
- Juniori
- Novice

### Član 4.

Državno prvenstvo u brzom klizanju održava se jednom godišnje u sljedećim kategorijama za žene i muškarce:

- Seniori
- Juniori A
- Juniori B
- Juniori C
- Juniori D

### Član 5.

U sklopu državnog prvenstva mogu se održati i takmičenja za mlađe kategorije.

### Član 6.

Državni prvak se proglašava u kategorijama iz članova 3, 4 i 5 u kojima nastupa 3 ili više registrovanih bh. klizača.

Registrovani bh. klizači koji su ostvarili najbolji rezultat na državnom prvenstvu ili su ostvarili najbolji rezultat u svojoj kategoriji u sezoni na domaćem ili međunarodnom takmičenju, te su u aktuelnoj sezoni nastupili na zvaničnim ISU takmičenjima najvišeg ranga

iz člana 17., a koji ne ispunjavaju uslove iz stava 1, proglašavaće se za najbolje bh. klizače u svojoj kategoriji.

#### Član 7.

U posebnim okolnostima, Savez zadržava pravo da prihvati rezultate registrovanih bh. klizača u kategorijama iz člana 3, 4 i 5, ostvarane na izabranom renomirnom takmičenju u zemlji ili regiji kao rezultate državnog prvenstva ako je ispunjen uslov iz člana 6 stav 1 ili na zvaničnom ISU takmičenju u skladu sa članom 6 stav 2.

Posebne okolnosti uključuju, ali nisu ograničene na: nemogućnost održavanja takmičenja za određenu kategoriju, nedostatak materijalnih sredstava, nepostojanje odgovarajućih tehničkih uslova i ljudskih resursa.

#### NADLEŽNOSTI I TROŠKOVI

#### Član 8.

Organizator državnih prvenstava je SKSBIH. Organizaciju državnih prvenstava i drugih takmičenja u organizaciji SKSBIH, SKSBIH može povjeriti klubovima, registrovanim u skladu sa Registracionim pravilnicima SKSBIH i entitetskih saveza.

Organizatori takmičenja u brzom i umjetničkom klizanju koja nisu u organizaciji SKSBIH moraju dobiti odobrenje SKSBIH za održavanje takmičenja prije početka sezone u kojoj je planirano održavanje takmičenja.

Krajnji rok za imenovanje organizatora takmičenja iz stava 1 je 1. oktobar aktuelne sezone.

#### Član 9.

Termine održavanja takmičenja koje organizuje SKSBIH donosi Upravni odbor (UO SKSBIH) na prijedlog Takmičarsko-tehničke komisije (TTK), najkasnije do 1. decembra aktuelne sezone.

#### Član 10.

Organizator državnog prvenstva mora poslati Propozicije prvenstva svim klubovima kao i TTK-u najkasnije 14 dana prije održavanja takmičenja. U propozicijama se mora navesti termin i mjesto održavanja, preliminarna satnica takmičenja i treninga, kategorije takmičara i ostali podaci bitni za tok takmičenja.

#### Član 11.

Prijavu takmičara za državna prvenstva šalju klubovi registrovani u skladu sa Registracionim pravilnicima SKSBIH i entitetskih saveza. Rok za prijave definiše TTK. Prijave se podnose bilo elektronskom poštom (e-mail) ili SKSBIH, preporučenom poštom, ličnim dostavljanjem u prostorije SKSBIH ili faksom. Organizator takmičenja je u obavezi da, u roku od 48 sati, prosljedi spisak prijavljenih takmičara po kategorijama TTK-u. Prijave moraju sadržati:

- Ime i prezime takmičara
- Dan, mjesec i godinu rođenja
- Kategoriju u kojoj takmičar nastupa
- Ime kluba čiji je član i za koga nastupa
  
- Opis muzike prema pravilniku ISU (umjetničko klizanje)
- Opis programa u skladu s ISU pravilnikom (umjetničko klizanje)

Kotizacija se plaća organizatoru za svakog pojedinca prije nastupa.

Kotizacija za državno prvenstvo za registrovane bh. klizače iz članova 3 i 4 iznosi 20,00 KM.

Kotizacija za međunarodna takmičenja u organizaciji SKSBIH za registrovane bh. klizače iznosi 50% od zvanične kotizacije takmičenja. TTK može da smanji navedeni procenat u skladu sa materijalnim mogućnostima.

#### Član 12.

Pravo nastupa na državnim prvenstvima imaju sportisti uredno registrovani u SKSBIH prema odredbama Registracionih pravilnika SKSBIH i entitetskih saveza, koji imaju Potvrdu o članstvu i potvrdu o ljekarskom pregledu ne stariju od 6 (šest) mjeseci.

Svaki klizač na takmičenjima nastupa na sopstvenu odgovornost. Organizator mora obezbijediti prisustvo dežurnog ljekara za hitne intervencije tokom održavanja takmičenja i službenih treninga.

#### Član 13.

Pravo nastupa po kategorijama na državnom prvenstvu određuje TTK u skladu sa odredbama važećih ISU pravilnika i propozicijama takmičenja.

#### Član 14.

Dužnosti TTK na državnim prvenstvima su:

- Provjera pristiglih prijava;
- Utvrđivanje prava nastupa prijavljenih;
- Provjera Potvrda o članstvu i potvrda o ljekarskom pregledu;
- Provjera da li je takmičenje organizovano u skladu s Propozicijama, Pravilnikom ISU i ovim Takmičarskim pravilnikom;

#### Član 15.

Imenovani organizator je odgovoran za sprovođenje takmičenja u organizaciji SKSBIH.

Dužnosti organizatora na državnim prvenstvima su:

- Obezbijedivanje najaktuelnijeg dostupnog sistema bodovanja;
- Angažovanje sudija i tehničke podrške;
- Sprovođenje svih zahtjeva i uputstava vrhovnog sudije takmičenja;
- Naplata kotizacije;

- Potvrđivanje satnice treninga i takmičenja;
- Sastavljanje zapisnika o sjednici TTK koji će biti dostavljen organizacionom odboru takmičenja;
- Priprema izvlačenja startnih brojeva takmičara i izvlačenja brojeva sudija u sudijskom žiriju takmičenja (sprovođenje žrijeba).
- Obezbjediavanje sponzorisavanja takmičenja;
- Blagovremeno obezbjediavanje smještaja i ishrane takmičara čiji su to klubovi zatražili prema Propozicijama takmičenja, ukoliko su to tražili najmanje pet dana prije raspisanog početka takmičenja;
- Prisustvo ljekara i redara za vrijeme svih službenih treninga i takmičenja;
- Termini i priprema ledene plohe za službene treninge i takmičenje prema satnici takmičenja;
- Priprema ledene plohe za službene treninge i takmičenje prema satnici takmičenja te
  - postavljanje zaštitne ograde i označavanje staze za treninge i takmičenja prema satnici (brzo klizanje);
- Isticanje zastave Bosne i Hercegovine i zemalja učesnica takmičenja;
- Prisustvo sljedećih službenih lica:
  - dva zapisničara, najavljiivača, mjerača vremena, lica za reprodukciju muzike i lica za prikupljanje sudijskih listića (umjetničko klizanje);
  - dva zapisničara, najavljiivača, brojača krugova, stewarda takmičenja, dva stewarda na ledu, startera, mjerače vremena (brzo klizanje);
- Ozvučenje, sve potrebne formulare za sudije i zapisničare, biltene sa svim obavještenjima i rezultatima tokom takmičenja kao i oglasnu tablu, tj.
  - sudijske brojeve ili semafor za objavu ocijena, (umjetničko klizanje), tj.
  - brojeve ili semafor za prikaz krugova, zvono, startne brojeve za takmičare (brzo klizanje);
- Izrada Protokola takmičenja i dostavi ga TTK najkasnije 7 dana od završetka takmičenja;
- Saradnja sa TTK i dostavljanje svih podataka u skladu sa članom 14.

#### Član 16.

U slučaju da se državno prvenstvo održava kao posebno takmičenje, sljedeće troškove održavanja državnih prvenstava snosi SKSBIH:

- Troškove leda;
- Troškove sudija, i to:
- Putne troškove koje priznaje SKSBIH;
- Sudijske takse prema službenoj dnevnicu SKSBIH.
- Naknada službenim licima (zapisničarima, najavljiivaču, mjeraču vremena, dežurnom ljekaru , redarima te
  - osobi za reprodukciju muzike (umjetničko klizanje), tj.
  - competitor stewardu, 2 stewarda na ledu (brzo klizanje);
- Troškove elektronskog mjerenja vremena i obrade rezultata (brzo klizanje);
- Troškove pehara ili medalja za po prva tri takmičara u svim kategorijama;
- Troškove izrade Diploma za sve prijavljene takmičare.

Ako se prvenstvo održava u sklopu drugog takmičenja, troškove iz stava 1 snosi organizator.

## STATUS REPRESENTATIVCA

### Član 17.

Status reprezentativca i učešće u reprezentaciji je definisano Pravilnikom o formiranju rang liste klizača i načinu određivanja sastava reprezentacije Bosne i Hercegovine u umjetničkom i brzom klizanju.

### Član 18.

SKSBIH je u skladu sa materijalnim mogućnostima obavezan da snosi troškove učešća reprezentativaca na zvaničnim ISU takmičenjima najvišeg ranga iz člana 17.

### Član 19.

Na međunarodnim takmičenjima na koje takmičare prijavljuje SKSBIH (bez obzira na to ko snosi troškove takmičenja) mogu nastupati takmičari koji imaju odobrenje Upravnog odbora SKSBIH. O učešću takmičara na međunarodnim takmičenjima na koje ih šalje SKSBIH odlučuje Upravni odbor na prijedlog Posebnih komisije za umjetničko i brzo klizanje. Posebne komisije za umjetničko i brzo klizanje formiraju prijedlog na osnovu Pravilnika o formiranju rang liste klizača i načinu određivanja sastava reprezentacije Bosne i Hercegovine u umjetničkom i brzom klizanju.

Vođa puta reprezentacije na međunarodnim takmičenjima mora govoriti engleski jezik, službeni jezik ISU.

Vođu puta i članove reprezentacije određuje Upravni odbor na prijedlog nadležnih komisija.

## TEHNIČKE ODREDBE

### Član 20.

Državno prvenstvo i druga takmičenja se održavaju na klizalištima veličine 30×60 metara, za brzo klizanje sa propisno označenim stazama i zaštićene ograde.

### Član 21.

Takmičenje ne smije početi prije 8 sati i ne smije se završiti poslije 23 sata za seniore i juniore (A i B za brzo klizanje), tj. nakon 20 sati za mlađe kategorije.

### Član 22.

Svi prijavljeni takmičari imaju pravo treninga na ledu na kojem će se održati takmičenje i to jedan dan prije takmičenja. Trajanje treninga mora biti takvo da svi takmičari imaju pristup ravnopravno.

Organizator takmičenja dužan je da 48 sati po zaključenju prijava dostavi satnicu takmičenja i treninga svim prijavljenim klubovima, TTK i vrhovnom sudiji takmičenja.

#### Član 23.

Sudijsku komisiju takmičenja (umjetničko klizanje) čine vrhovni sudija takmičenja, njegov pomoćnik i bodovne sudije. Tehničku komisiju takmičenja čine tehnički kontrolor, tehnički specijalista, pomoćnik tehničkog specijaliste, osoba za unos podataka (data operator), snimatelj i, po mogućnosti, video operator. Sudijska komisija na svojoj sjednici prije početka takmičenja izvlači brojeve sudija za pojedine kategorije takmičenja. Takmičenja na državnim prvenstvima u umjetničkom klizanju sudi, po pravilu, pet bodovnih sudija. Sjednici Sudijske komisije može prisustvovati predstavnik TTK.

#### Član 24.

Nakon sjednice Sudijske komisije (umjetničko klizanje), vrhovni sudija će izvršiti izvlačenje startnih brojeva takmičara po kategorijama sljedećim redom:

- Saopštiće će sastav Sudijske komisije;
- Provjeriće prisustvo svih prijavljenih takmičara;
- Izvlačenjem odrediti klub od kojeg će započeti izvlačenje startnih brojeva takmičara;
- Izvlačenjem odrediti startnu listu za kratki program, odnosno obavezni ples;
- Pročitće startnu listu.

#### Član 25.

Vrhovni sudija takmičenja (umjetničko klizanje) odgovoran je za tačnost objavljenih rezultata. Tokom takmičenja uvid u trenutne službene rezultate takmičara mogu imati samo zapisničari. Oni ih mogu objaviti tokom zagrijavanja sljedeće grupe takmičara kao neslužbeni trenutni poredak ako za to postoji tehnička mogućnost.

Organizator mora osigurati zapisničarima neometan rad tokom cijelog takmičenja sve dok vrhovni sudija ne proglasi službene rezultate takmičenja.

#### Član 26.

Reprodukcija muzike (umjetničko klizanje) vrši se preko CD uređaja normalne brzine, a u skladu sa članom 343 ISU Posebnog pravilnika za umjetničko klizanje.

#### Član 27.

Mjerenje vremena (brzo klizanje) obavlja se elektronskim putem primjenom video ili foto finish uređaja, u skladu sa ISU Specijalnim pravilnikom za brzo klizanje na kratke staze.

## ZAVRŠNE ODREDBE

### Član 28.

Sve žalbe u drugom stepenu rješava UO SKSBIH, a u trećem stepenu Skupština SKSBIH.

### Član 29.

Takmičarski pravilnik se primjenjuje od sezone 2012/2013.

Predsjednik  
Zikrija Đonko

Izmjene Takmičarskog pravilnik usvojene je na Skupštini Saveza, održanoj 26.05.2014. godine.